



Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

Cap. VIII. Dei prouidentia circa coniuges in danda eis prole: & ratio eam
educandi, vt bona illa & perfecta euadat.

urn:nbn:de:hbz:466:1-39637

compellare nominibus valde teneris, & affectuosis, simiamq; blanditiem & amorem significantibus, quem vox illa MEA secum adfert; sed quae significant authoritatem & grauitatem ipsi viro consonam, ut vxor in humilitate & subiectione conseruetur: & intelligat, perfectionem suam non in eo confistere, ut puncta sibi & honoris titulos addat; sed potius, ut eos remoueat, neque in quaerenda super virum suum aliqua præminentia, sed in dimitienda potius, ut vir eam obtineat: iequens magni illius Baptista sententiam: in illum oportet crescere, me autem minui: neque enim propterea illa abiectioner erit, sed potius honoratior & glorioſior, viri enim gloria, est gloria vxoris; ſicut etiam huius gloria, est mariti; ut ex ijs, quae in proximo capite dicentur, apparebit.

CAP V T VIII.

DEI PROVIDENTIA CIRCA CONIVGES IN DAN-
daeis prole: & ratio eam educandi, ut bona illa &
perfecta euadat.



VM primarius matrimonij finis sit prolem procreare, qua terram impleat, fintq; filii Ecclesiæ in ea militantis, & postea etiam triumphantis: ideo in huiusmodi proli generatione multis vijs, & ſæp occultissimis elucet prouidentia DEI, neque exiguum est profundæ ipſius prouidentiae indicium, quod quibusdam coniugibus multos filios, aliis paucos, aliis nullum concedat. Et in eo quod, dum aliquos dat, ſtāim eos aufert; alios verò in multos annos ſuperftites relinquit. Conſtat DEVM in antiqua lege Hebræis tanquam præmium benè institutæ vitæ promiſſe: a non fore infœcundam, nec ſterilem virtusque ſexus in terra eorum. Et pro magno DEI in virum iustum studio extollit David: c uxori tua ſicut uis abundans in literibus domus tue, dulcibus copioſisq; benedictionum fructibus referra, filii tui ſicut nouella olivarum incircuatum meſatna. Aliunde tamen conſtat: quamuis Abraham & Isaac eſſent DEO familiarissimi, corum tamen vxores longo tempore fuſſe ſteriles, magnumque fauorem DEVM exhibuſſe Abrahamo, cum voluit eum d habere filium Isaac ex Sara. Et ipsum Isaac orationibus suis (ut Sanctus Gregorius perpendit) impetratſſe executionem promiſſionis, quam DEVS de ſuccelioribus fecerat, remouens Rebeccæ vxoris sterilitatem: ſimiliter f Anna Samuelis mater importunis precibus & orationibus impetravit à DEO filios.

Et de

a Exod. 23.

26.

b Dcent. 7.

14. 6.

c Pſa. 127. 3.

d Gen. 18. 10

e Et 1. 25. 21.

f 1. Reg. 1. 10.

20. & 2. 21

Et de Ruth nostra, quæ nupl̄it Booz iam seni, dicit sacer textus: *g dedit illi Dominus, ut conciperet, & pareret filium, in præmium scilicet multo ūbonorum quæ fecerat.* Ex quibus appareret prolem & filios esse donum Dei, qui (quemadmodum sancta illa Machabæorum mater filii suis dixit) *h spiritum & animam, & uitam donat, & singulorum membra compingit, hominieq; nativitatem format, & fælices largitur partus: & aliquando in penam peccatorum negat Coniugibus successionem, ut constat ex Michol, quæ ob suam superbiam i non habuit filium ex David.* Non itaque aliquo calu, sed à diuina providentia prouenit, vt qui sunt matrimonio iuncti, prolem habeant, vel non habeant. Et hoc solum sufficere deberet coniugatis, vt sorte, quæ illis in hoc negotio contingit, contenti sint & peccati; nec multū tristentur ex eo, quod prolem non habeant, cùm Deus ad ipsorum bonum rem ita direxerit: forte enim si prolem habuissent, maiora damna corporis & spiritus, temporalia & æterna incurrisserent: quod verò ea careant, occasio sit illis largiendi suas facultates in *eleemosynas pauperum;* séque occupandi in alijs Sanctis glorioſisq; operibus. Sed neque habentes plures filios tristari multum debet, quod videant se esse pauperes, quia eis prospicere non tam ad ipsos parentes spectat, quam ad Deum, qui illos largitur, & pater est ac protector & prospector vniuersalis omnium.

S. Moderatus in filios amor.

Ex hoc fundamento debent parentes deducere, quod debeant moderatum & Christianum ad filios suos amorem habere: ne Deus excessum amoris puniat, illos subtrahendo: siquidem in omnibus illi dependent à providentia diuina, à qua omnia esse, & conseruatio dependet: & quicunque ingratus est, nec ita donum accipit, vt debet (quia potius ex ipso dono, quam ex eius largitore lætatur) dignum se facit, qui ipso dono priuetur. Et hæc inter alias causa fuit, cur Deus in antiqua lege statuerit, *a sanctificari sibi omnes primogenitum tam de hominibus, quam de inuenientis;* quasi voluerit, offerri sibi primum fructum, quem ab ipsius manu homines accepissent, in signum animigrati, & acceptum ab eo beneficium agnoscens: quamobrem plures postea illis dabat, & quæ erant steriles, sicut b *Anna Samuelis mater, obstringebant se voto dedicandi seruitio Dei filium,* quem ab eo accepissent, vt sic Deum ipsum permouerent ad orationem, quam fundebant, exaudiendam. Interdum etiam ipsemet Deus filium sibi offerri ac dedicari petebat, quem parentibus dabat, sicut c *Angelus monuit matrem Samsonis, & alias Angelus d Zachariam patrem sancti Joannis Baptiste.* Quæ omnia eò tendebat, vt parentes intelligerent, se non debere filios suos lui ipsorum causa, sibi que ipsis præcipue diligere sed ipsi Deo, qui illos largiebatur. Datentq; operam, ne eorum amore & causa diuino amori, legisque eius obseruationi de-

*g Ruth 4,13.
Proles do-
num Dei.
h 2. Mach. 7
i 2. Reg. 6.
j 23.*

*Dæna steriles
solares &
pauperes
alii.*

*Proles mo-
derare dili-
genda.*

*a Exod. 13,2
Primogeni-
ta Deo de-
bentur.*

b 1. Reg. I,II.

*c Iudic. 13,5
d Luc. 1,15.*

c1. Reg. 6. II.

Proles post
Deum a-
munda.Filiorum
abrenunti-
atio.f Gen. 22. 1.
12.Jobi resigna-
tio.

g Job. 1. 21.

essent, aut status sui obligationes negligenter; sed cor suum ab omni inordinato nimioque affectu expurgarent, contenti amore moderato iuxta rationis regulas, & intra eius limites. Et quemadmodum e vacce, quæ vehebant arcam Domini, in directum ibant, pergentes & mugientes ob inclinos earum vitulos domi; nec declinabant ad dexteram, neque ad sinistram, sed gradiebantur itinere vno per viam quæ ducet Bethasames: ita parentes Christiani, licet naturalem filiorum amorem negare & præterire non possint, eorum tamē causa deserere non debent Iesum Christū D.N. sed in animis & corporibus ipsum portare, & omnia exequi, quæ ad ipsius obsequiū spectant: non declinantes à recta via, neque in prosperis neq; in aduersis; optantes peruenire in Bethasames, quod significat domum Solis, vt ipsorum conuersatio sit in cælis cum ipso iustitiae sole, à quo omne eorum auxilium, remediumque dependet.

SED ut hanc amoris moderationem magis distinctè & in particuliari proponamus, debet primum elucere in perfecta resignatione, & propriæ voluntatis cum diuina conformitate, quoad filiorum sanitatem & vitam: ita vt, quod ad ipsos attinet, dispositi & parati sint, eisdem carere, quandocunque Deus ita constituerit. Meminerint probationis illius, quam ipse Deus accepit obedientiæ & fidelitatis serui sui f. Abrahā, cùm iussit offerri sibi in holocaustum filium eius unigenitum, quem diligebat Isaac: fuitque Deo adeò grata animi promptitudo, qua decreuit Abraham facere, quod iubebatur, vt Deus, eam sibi satis esse statuens, non permiserit filium occidere; sed dixerit: non extendas manum tuam super puerum, nec facias illi quicquam: nunc cognoui quod timeas Dominum, & non pepercisti unigenito tuo filio propter me. Cùm igitur parentes filios suos vident ægrotare, & ad portas mortis peruenire; agnoscant eam esse Dei probationem, qua iubet, eos sibi sacrificari; non quidem eos occidendo (id enim nec licitum est, nec Deus ipsi nunc exigit) sed offerendo se, quod in ipsis est, ad amplectendam diuinam dispositionem, & eisdem carendum, si Deo placuerit, eos ad se accipere. Hac enim adeò prompta voluntate, & conformitate cum diuina, ostendunt se plus Deum quam filios amare. Quod si eos superesse expediatur, Deum eos relictum, contentum sacrificio cordis, quo eos offerre voluerunt. Nec tamē propterea prohibentur sentire, & naturalē sensum de eorum periculo tenere: ac proinde possunt, & orationes, & alias diligentias adhibere ad filios ab immineti periculo liberandos: ita tamen, vt si omnibus his adhibitis, Deus eos ad se acceperit, seruent ipsi patientiā, sicut S. Job: qui et si videret, uno iectu ablatos sibi septem filios & tres filias: magna tamen animi resigneatione dixit: g. Dominus dedit, Dominus abstulit, sicut Domino placuit ita factum est, sit nomē Domini benedictum. Quamuis enim filiorum mors Diaboli arte & industria euenerit, qui totam domum, in qua illi erant, deiecit;

agno-

agnouit tamen ipse in ea Dei promissione supremam eius prouidentiam, cui propriam voluntatem subiecit, & conformauit. Nec malè illi cessit talis resignatio, quam ipse Dominus totidem filijs ac filiabus ei redditis remunerauit. Nec fuit valde dissimilis Dauidis Regis casus, cùm Nathan Propheta illi dixisset: *h. filius qui natus est tibi ex Berhabee morte morietur. Nā cū paruulum vidēret ægrotantem, deprecatus est Dominum pro eo: & ieunauit ieunio, & ingressus seorsum iacuit super terram, septem diebus, cum autem intellexisset mortui esse puerum, surrexit de terra, & locus, unde usq. est: cumq. mutasset vestes, ingressus est domum Domini: & adorauit, amplectens voluntatem diuinam, cui statim Deus alterum dedit filium Salomonē, ex eadem Bethabae, qui ei successit in regno. In eo quod primum fecit, ieunando & orando, paternum ostendit affectum, in altero vero, quod adorauit in templo, ostendit se fidem Dei seruum, quem præ filio diligebat.*

§. IX. Parentum cura erga filios.

Hic resignationi coniungi debet firma voluntas ac decretum faciendo cum filijs quidquid Deus iubet, ita ut nimius erga eos amor causa non sit alicuius defectus in ijs, quæ Deus vult. In hoc enim sensu dixit Christus D. a qui amat filium aut filiam super me, non est me dignus, & iterum: b si quis non odit filios suos non potest meus esse discipulus. Hoc autem odium non aliud est, quam sanctus & ordinatus quidam amor, Dei amori subiectus, quo (ut Apostolus ait) c educantur filii in disciplina & correptione Domini: hoc est docentut bonum, quod facere tenentur; & malum, quod fugere debent; retrahuntur à malis socijs, & peccandi occasionibus; reprehenduntur vicia, & puniuntur defectus, ac peccata: ne in eadem relabantur. Et parentes, qui ob nimium amorem, indulgentiam, aut incuriam hæc non faciunt: censentur filios plus amare quam ipsum Deum. cùm tamen reuera non ament, sed oderint: siquidem dum eis bonum corporis, quod minus est, favere volunt: non attendunt ad bonum animæ, quod est maius. Ideoque & parentes & filij vtrorumque bonorum factaram faciunt, puniente Deo filios ob vicia, quæ parens non puniuit; & ipsum parentem, c d quod filios non puniuerit: vt constat ex improvisa & infalici morte summi Sacerdotis Heili, duorumque eius filiorum, c d quod parens tepidior fuerit in eis corrigendis: & vt Scripturaloquitur, d magis honorauit filios suos, quam Deum. Siquidem ne filios, qui grauissime Deum offendebant, grauius increparet voluit; potius eorum culpam, Dei que offenditionem dissimulate: quamobrem dixit Salomon: e qui parcit virga, odit filium; & qui eum diligit insenserudit: quasi diceret: qui adeò filium suum diligit, vt etiam si videat, castigatione opus esse, eum tamen non castiget: vere ipsum odit re ipsa, subtrahit enim ipsi,

Rrr 3

quod

h 2. Reg. 12.
14.David pa-
ter & ser-
vus fidelis.odium fi-
liorum san-
ctum.

a Mat. 10. 37

b Luc. 14.

26.

c Eph. 6. 4.

Heli indul-
gentia v-
trisque
noxiis.

d 1. Reg. 2.

29. 34. Eccl.

4. 17.

e Pro. 13. 24.

Cap. 23. t. 3.

Punienti
filii peccan-
tes.Apud Ians.
in 23. c. Pro
S. Greg. l. 4.
Dial. o. 18.I.
g Ecc. 7. 25.Pueri sensi-
bus regun-
tur.

h Ecc. 30. 1. 8

A teneris
stetendi.Tom. r.
Tract. 2. c. 8.
i Tren. 3. 27.2.
k Ecc. 7. 26.Filia re-
gantur ti-
more.

quod maxime esset utile. & in alio loco f. noli, inquit subtrahere a pueru disciplinam: si enim eum percuferis virga, non morietur. Tu virga percuties eum, & anima eius de inferno liberabis. Punitio itaque eum ab anima morte liberabit & sepè etiam à corporis morte, in quam incidentur aliquando filii, ed quod non fuerint à parentibus castigati, qualis ille, quem mater valde indulgenter educauit, & cum ultimo supplicio ob sua delicta afficeretur, dixit: non me Index, sed mater mea ex patibulo suspendit. Sed flebilis magis ac dolendus fuit cuiusdam alterius pueri quinquennis casus, qui consueuerat Dei maiestatem blasphemare: & cum agrotans in paternis vlnis pro more blasphemaret, nec à parente corriperetur, dæmones illum ex parentis vlnis attipuerunt, ut blasphemiam in Creatorem vlciscerentur: quod crudelis parens, ex falso in filium pietate, non fecerat, eum puniendo.

D uo alijs documenta magni momenti ad præsens institutum tradit Ecclesiasticus: alterum in filiorum, alterum in filiarum bona educatione. Primum ita habet: g filii tibi sunt: erudi illos, & curua illos à pueritia illorum, quia enim ignari nascuntur, opus habent edoceri & instrui in omnibus, quæ tantum boni ciues bonique Christiani facere debent. Et quoniam ut plurimum pueri parum afficiuntur ad discendum, & ad exercitia virtutis, ob rebellionem carni in ea ætatula connaturalem contra ipsam rationem, neceſſe est inclinationem illam depravatam curuare, & aliqua inficta pena coercere; sic enim expelletur ex corde ignorantia, & inordinata illa naturæ propensiō & inclinatio. Sed inchoandū tamen ab ipsa infancia, quando plātulae sunt teneræ, & instar ceræ mollis ad bonas figuræ suse piendas: nam si expectes donec indurecantur nō poteris postea flectere, & curuare. Pater, inquit Ecclesiasticus, h qui diligit filium suum, assiduat illi flagella, ut latetur in nouissimo suo; & Equus indomitus evadit durus, & filius remissus evadet præcepit: Laeta filium, & paucem te faciet: lude cum eo, & contristabit te. Non corrideas illi: ne doleas, & in nouissimo obstupescerent dentes tui. Non des illi potestatem in iuventute, & ne despicias cogitatus illius. Curua cervicem eius in iuventute, & tunde latera eius dum insfans es: ne forte indures, & non credat tibi, & erit tibi dolor anime. Multas alias rationes nunc omitto, quæ posite fuerunt in primo Tomo, ad ostendendum quanti orationis referat, assuēscere i portare ingens ab adolescentia sua, & à teneris, ut dicitur, vnguiculis. Addit Ecclesiasticus alterum documentum circa educationem filiarum: k filie, inquit, tibi sunt serua corporis illarum, & nō ostendas hilarem faciem tuam ad illas. Filiae enim melius freno timoris continentur, quam amoris: & cautiōres redduntur, cum parentum vultum seuerum cernunt quam cum blandum. Nominatum autem hoc expressit & commendauit Sapiens, ut ipse parentes discerent, quanta puritate debeat filias suas educare: remouendo scilicet illas ab omni occaſione

sione, affectum aliquem minus ordinatum concipiendi erga homines: propterea enim ait, ne illi hilarem faciem eis ostendat, & iucundam: ne forte si erga ipsos parentes ob iliam faciei iucunditatem multum afficiantur, occasionem inde accipient labendi in amorem inordinatum alicuius alterius hominis.

Sed in his omnibus necesse est, parentes *mediocritatem* adhibere discretionis, ne, si ad alterum odij, aut nimiae severitatis & asperitatis extremū declinēt, filios reprehendentes & punientes, nō tam ex amore & zelo boni illorum, quād se ipsos patientur à propriæ iræ & effrenata cholerae passione trahi: deteriores potius evadant, quād emendentur: & propterea parentes monet Apostolus: *I nolite ad iracundiam mea indignationem provocare filios vestros; m̄ vi non p̄usillo animo fiant.* Quasi dixerit: ne adeò aspero ac severè cum illis agatis, vt animo deficiant; & etiam in bonovobis pœnæ potius timore quam amore virtutis obedient: nec malo vestro exemplo occasionem illis præbeat, vt & ipsi irascantur, & in cholera contra vos ipsos, exigua cum reuerentia & respectu conuertantur. Mementote etiam vos fuisse filios: vt ira illos tractetis, sicut à vestris parentibus tractari cupiebatis: & sic à vobis discant modum, quo suo tempore debeant cum filijs suis agere: coniungentes grauitatem cum mansuetudine; & pœnæ zelum cum verae emendationis amore. Hoc ipsum confirmatur documento & regula à S. Augustino coniugibus circa fructum sive prolem, quam Deus illis dederit, proposita. *In prole, inquit, ut amanter suscipiantur, benignè nutriantur, religiose educetur.* Quod fuit dicere: cū Deus dat illis prolem, accipient eam bono & grato animo; non primam tantum, sed & secundam, & omnes quas dederit, nec solū filios, sed etiam filias: siquidem Deus est, qui ita distribuit. Deinde, quos acceperunt, benignè nutriant: præbentes eis liberaliter, quæcunque opus habent; quo ad cibum, vestitum, & reliqua omnia. Ne, si quid ex necessariis illis desit, occasionem accipient, mala via illud querendi, & sic sensim prauos induant mores. Sed præ omnibus rebus eos religiose educent, docentes & instruentes eos in rebus omnibus quæ ad religionem Christianam pertinent, & ad quatuor hæc capita reuocantur.

PRIMUM continet præcipua fidei mysteria, quæ debent eredere: vt ab ipsa infantia benè intelligent, quis Deus sit, & Christus Dominus N. & serio incipient amare, timere, ac reuereri Creatorem, ac redemptorem suū; eiique, vt par est, seruire. SECUNDUM continet omnia mandata, quæ seruare debent: vt ab ipsa infantia discant odisse vitia, & amare ac exercere virtutes, iuxta præscriptum legis: propositis simul ob oculos, pñnis & suppliciis improborum; bonorum vero coronis & præmijs. TERTIUM continet sacrificia, quibus interesset; & Sacraenta, quæ suscipere debeant: allicien-

*Mediocritas
adhibenda.*

*Eph 6.4.
in Col. 3. 21*

*Vitanda
asperitas.*

*L 9 de Gen.
ad lit. 6. 7.*

*4. pueris
tradenda.*

*1.
Credenda.*

*2.
Seruanda.*

3.
Sacramen-
ta.

4.
Orationes.

m Dan. 13.;
refert S.
Hier. ibi.

Ratio à fi-
tis exigent-
ida.

n Iob. i. 5.

Iobi vigi-
lantia.

Ser. de opera
& Eleemos.

Solida vir-
tus quaren-
da.

tes eos ad Sacrum Misse audiendum: & suis temporibus peccata sua confi-
tenda; vt à peccatis purifcentur; & sanctissimum Eucharistie Sacramen-
tum frequenter, pro ratione suæ ætatis suscipiendum. Quartum continet
orationes, quas fundere debent ad Deum D. N. ad sanctissimam Virginem
eius matrem, ad custodem Angelum, & reliquos Sanctos: stimulando illos
& illiciendo ad hæc exercitia, ad conciones audiendas, pios libros legen-
dos: & ad reliqua, quæ sunt perfectorum Christianorum. Ad hoc proposi-
tum præclarè perpendit Origines, quod scriptura dinina dicit de castissi-
mæ Susannæ parentibus: quod m cùm essent iusti, erudisseri filiam suam secun-
dum legem Moysi; ex quo prouenit, vt illa adeò esset timens Deum, vt potius
mori elegerit, quam consentire peccato. vt ex hoc discat parentes, plurimum
referre, quod filios, & filias suas doceant legem Dei, & ad eius obseruationem
illos allicit, & exhortetur: vt si quādo peccandi occasionses occurrat,
alege Dei non recedant. Sed ulterius adhuc debet progredi parentum cu-
ra ac diligentia in exigenda frequenter ratione à filiis de eiudem legis ob-
seruatione: vt si quid contra eam acciderit, facilis reparetur. Sic enim imi-
tabuntur zelum S. Iobi, cuius septem filij & tres filiae valde fratrem ac be-
nevolè singulis septimanis se inuicem inuitabant: ipse vero parens in fine
septimanæ, n cum in orbem transiissent dies conuuii, mittebat ad eos, & sanctificabat
eos: consurgensque diluculo offerebat holocausta per singulos, omnes itaque il-
los, & ipse ad se conuocabat, vt spirituale conuuium in die suo illis exhiberet.
Pridie enim ad vesperam illos sanctificabat, purificabat, ac ad Festum
bonis documentis, consilijs, & illius temporis ceremonijs disponebat. Mox
vero manè sequentis diei offerebat pro omnibus holocaustum, excellen-
tissimum scilicet sacrificium, in quo totum animal consumebatur, in testi-
monium supremæ Creatoris excellentiæ: vt filij Creatorem suum obla-
tione illa honorarent. Et S. Cyprianus perpendit, quod illa holocausta ef-
fent multa: pro singulis scilicet filiis vnum, quod insinuat translatio septua-
ginta Interpretum, quæ habet: offerebat holocausta secundum numerū eorum, vt
ita Sanctus vir ostenderet: etiamsi filij essent multi, se non propterea curam
deponere singulorum, atque si solus unus fuisset. Cuius tantæ solicitudinis
causa erat, quod cogitaret, ac diceret intra se: ne forte peccauerint filii mei, &
benedixerint Deo in cordibus suis, quasi diceret: etiamsi nihil mali exterius ad-
uerteret in filiis meis: forte tamen aliquid est, quod me latet: aut forte
peccatum aliquid interius, cogitationis, aut negligentiæ, & inertiae habue-
runt. Quare expedit, vt se purifcent, Deoque reconcilientur, & sacrificio
eum placent. Nam tanquam bonus, & pius pater non satis sibi existimabat,
quod filij externam & politicam virtutem exercent; sed optabat inter-
iorem quoque cordis habere, quæ vera & solida est, radixque exterioris

Addit-

Additque Scriptura; sic faciebat Iob cunctis diebus, nihil icilicet remittens de sua sollicitudine. Quod filijs adeò fuit utile, ut cum omnes eodem die re- pente sint mortui ex ruina totius domus super se credidum sit, omnes esse saluatos, et quod in bono statu beneque dispositos mors oppresserit, ob diligentiam, quam S. Pater ad eos sanctificandos, ita frequenter adhibebat. Bonumque huius rei signum est, quod prouidentia diuina eo die eos obire constituerit, quo conuiuum celebrabatur in domo filij primogeniti, qui conuiuijs reliquorum initium dabat, primo die post ipsa sacrificia, quo & fructus, & pietas ipsorum adhuc erat in eis recens. Hoc itaque exemplum S. Iob merito sequentur parentes in Christiana filiorum suorum educatione ne Saranæ, sed Dei filij sint per eius gratiam; perueniantque ad eius gloriae hereditatem.

Mors para-
sum in us-
nus.

DENIQUE ad haec omnia summum adfert momentum, bonum parentum exemplum: quorum vita, ut ait Plutarchus, speculum quoddam esse debet, in quo filij videant quomodo vitia sint ipsis fugienda, virtus vero amplectenda. Nam si parentes senex sint vitiosus, vitiaque sectetur: non erit mirum, si iuuenis filius patrem imitetur: quia honori sibi ducet, similem esse parenti, sit igitur talis parentes, ut honorem acquirat filius ex eius imitatione.

Parentes
exemplum sine
filio.

CAPVT IX.

PROGRESSVS FIT IN EODEM ARGUMENTO,
adductis aliquot documentis ad bonam filiorum educationem, & nominatim constitutis piis ac peritis
Pædagogis & Magistris.



Væ in proximo capite dicta sunt, hic prosequemur, ampliusq; declarabimus cum S. Chrysost. adducto exemplo a matris filiorum Zebedei petentis a Christo D. N. ut unus eorum sedereret ad manum eius dextrā, alter vero ad sinistram in eius regno: desiderans, ut pia mater, filijs suis, non temporales, & huius saeculi dignitates; sed spirituales & eternas. Quæ licet non sciret, quid peteret, quo ad titulum & motiuū, cui innitebatur, modumque petendi: affectu tamen ostendit, se multū distare ab aliis matribus, quæ (inquit) corpus natorum suorum amant, animā autem contemnunt: desiderant enim illos valere in saeculo isto, & non curant quid passuri sint in alio: alij diuitias filiis suis prouident, alii honores, & variæ dignitates: & nemo filiis suis prouidet Deum in quo reliqua om-

Hom. 3.
imperf.
2 Mat. c. 20.

Tom. 2.

Sff

nia ha-

, ,
, ,
, ,